



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

**ՀՐԱՄԱՆ**

No 26-Ա/2

«15» հունվարի, 2021 թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԲՅՈՒՋԵԻ ՀԱՇՎԻՆ ԻՐԱԿԱՆԱՑՎՈՂ  
ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՆՈՒԹՅԱՆ ԾՐԱԳՐԵՐՈՒՄ ԵՎ (ԿԱՄ)  
ԹԵՄԱՆԵՐՈՒՄ ԸՆԴԳՐԿՎԱԾ ԲԱՐՁՐ ԱՐԴՅՈՒՆԱՎԵՏՈՒԹՅԱՄԲ ԱՇԽԱՏՈՂ  
ԳԻՏԱՇԽԱՏՈՂՆԵՐԻՆ ՀԱՎԵԼԱՎՃԱՐԻ ՏՐԱՄԱԴՐՄԱՆ ՀԱՅՏԵՐԻ ԸՆՏՐՈՒԹՅԱՆ  
ՄՐՑՈՒՅԹԸ ԿԱԶՄԱԿԵՐՊԵԼՈՒ, ՄՐՑՈՒՅԹԻ ՀԱՅՏԱՐԱՐՈՒԹՅԱՆ ՏԵՔՍՏԸ ԵՎ  
ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ ՄԱՍԻՆ**

Առաջնորդվելով Հայաստանի Հանրապետության կառավարության 2001 թվականի նոյեմբերի 17-ի «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգը հաստատելու մասին» N 1122 որոշմամբ հաստատված կարգի 3-րդ կետով, ինչպես նաև հիմք ընդունելով Հայաստանի Հանրապետության վարչապետի 2019 թվականի հունիսի 1-ի N 661-Լ որոշմամբ հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20)-րդ ենթակետը՝

**Հ Ր Ա Մ Ա Յ ՈՒ Մ ԵՄ**

1. Կազմակերպել Հայաստանի Հանրապետության պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում ընդգրկված բարձր արդյունավետությամբ աշխատող գիտաշխատողներին հավելավճարի տրամադրման հայտերի ընտրության մրցույթ:

2. Հաստատել մրցույթի հայտարարության տեքստը՝ համաձայն հավելված N 1-ի և հրավերի փաթեթը՝ համաձայն հավելված N 2-ի:

3. Սույն հրամանի կատարման հսկողությունը հանձնարարել Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեի նախագահ Սարգիս Հայրոցյանին:

**ՎԱՀՐԱՄ ԴՈՒՄԱՆՅԱՆ**

## Հ Ա Յ Տ Ա Ր Ա Ր ՈՒ Թ Յ ՈՒ Ն

Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեն կազմակերպում է Հայաստանի Հանրապետության պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում ընդգրկված բարձր արդյունավետությամբ աշխատող գիտաշխատողներին հավելավճարի տրամադրման հայտերի ընտրության **ՄՐՑՈՒՅԹ**:

Մրցույթին մասնակցելու հայտ ներկայացվում է առցանց (on-line) ռեժիմով՝ Գիտության կոմիտեի մրցույթների հայտերի և հաշվետվությունների ընդունման համակարգով (<https://grants.scs.am>) մինչև 2021 թվականի փետրվարի 19-ը ներառյալ (Հայտի ուղարկման հնարավորությունը կարգելափակվի Երևանի ժամանակով ժամը 18:00-ին)»:

Մրցույթի հրավերի փաթեթը տեղադրված է Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեի ինտերնետային կայքում (<http://scs.am/>):

Մրցույթի վերաբերյալ լրացուցիչ տեղեկություններ և խորհրդատվություն կարելի է ստանալ Հայաստանի Հանրապետության կրթության, գիտության, մշակույթի և սպորտի նախարարության գիտության կոմիտեի գիտական քաղաքականության վարչության գիտական քաղաքականության և զարգացման ծրագրերի բաժնում՝ աշխատանքային օրերին, ժամը 14:00 - 17:00, հեռ.՝ 21-01-40 (118):

Հայաստանի Հանրապետության կրթության, գիտության, մշակույթի և սպորտի  
նախարարության գիտության կոմիտե

**ՀՐԱՎԵՐ**  
**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԲՅՈՒՋԵԻ ՀԱՇՎԻՆ**  
**ԻՐԱԿԱՆԱՑՎՈՂ ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ**  
**ԾՐԱԳՐԵՐՈՒՄ ԵՎ (ԿԱՄ) ԹԵՄԱՆԵՐՈՒՄ ԸՆԴԳՐԿՎԱԾ ԲԱՐՁՐ**  
**ԱՐԴՅՈՒՆԱՎԵՏՈՒԹՅԱՄԲ ԱՇԽԱՏՈՂ ԳԻՏԱՇԽԱՏՈՂՆԵՐԻՆ ՀՎԵԼԱՎՃԱՐԻ**  
**ՏՐԱՄԱԴՐՄԱՆ ՀԱՅՏԵՐԻ ԸՆՏՐՈՒԹՅԱՆ ՄՐՑՈՒՅԹԻ**

**1. Ընդհանուր դրույթներ**

1.1 Հայաստանի Հանրապետության պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում ընդգրկված բարձր արդյունավետությամբ աշխատող գիտաշխատողներին հավելավճարի (այսուհետ՝ Հավելավճար) տրամադրման հայտերի (այսուհետ՝ Հայտ) ընտրության մրցույթը (այսուհետ՝ Մրցույթ) անցկացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի (այսուհետ՝ Նախարար) 2021 թվականի հունվարի 15-ի N 26-Ա/2 հրամանի:

1.2 Մրցույթի ֆինանսավորումն իրականացվելու է Հայաստանի Հանրապետության պետական բյուջեի «Գիտական և գիտատեխնիկական գործունեության պայմանագրային (թեմատիկ) հետազոտություններ» միջոցառման «Բարձր արդյունավետությամբ աշխատող գիտաշխատողներին, այդ թվում՝ երիտասարդ գիտաշխատողներին (մինչև 35 տարեկան) հավելավճարների տրամադրում» ծախսային ուղղության հաշվին:

1.3 Մրցույթն իրականացվում է գիտական և գիտատեխնիկական գործունեության բոլոր բնագավառներով և մասնագիտություններով (Հավելված N 1): Մրցույթի արդյունքում՝ Հայաստանի Հանրապետության պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում ընդգրկված առավել բարձր արդյունավետությամբ աշխատող գիտաշխատողներին 1 (մեկ) տարի ժամկետով կտրամադրվի Հավելավճար:

1.4 Հավելավճարի չափը կազմում է՝

1.4.1 առաջին շեմ՝ ամսական 75 000 ՀՀ դրամ 1986 թվականի հունվարի մեկից հետո ծնվածների համար,

1.4.2 երկրորդ շեմ՝ ամսական 100 000 ՀՀ դրամ 1976 թվականի հունվարի մեկից հետո ծնվածների համար,

1.4.3 երրորդ շեմ՝ ամսական 135 000 ՀՀ դրամ:

1.5 Հայտը չի քննարկվում, եթե՝

1.5.1 **Հայտատուի կողմից ներկայացվել է Բիալի ցանկերում (Beall's list, <https://beallslist.net/>) ներառված կեղծ կամ «գիշատիչ» հրատարակչություններում կամ պարբերականներում հրատարակված աշխատություն,**

1.5.2 չի բավարարում Մրցույթի հրավերի պայմաններին,

1.5.3 չի պարունակում բոլոր անհրաժեշտ փաստաթղթերը:

1.6 Մրցույթի շրջանակներում կատարվող աշխատանքները կազմակերպվում են Հանրապետության կրթության, գիտության, մշակույթի և սպորտի նախարարության գիտության կոմիտեի (այսուհետ՝ Կոմիտե) կողմից, իսկ դրանց համակարգումն իրականացվում է Նախարարի հրամանով ձևավորվող մասնագիտական փորձագիտական խորհրդի (այսուհետ՝ Խորհուրդ) կողմից:

## 2. Մրցույթի մասնակիցներին ներկայացվող պահանջները

2.1 Մրցույթի մասնակից կարող է լինել այն անձը, ով՝

2.1.1 հանդիսանում է Հայաստանի Հանրապետության մշտական բնակիչ կամ Հայաստանի Հանրապետության ռեզիդենտ,

2.1.2 ընդգրկված է Հայաստանի Հանրապետության պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում 2020 թվականի հունվարի 31-ի դրությամբ և զբաղեցնում է առնվազն կրտսեր գիտաշխատողի պաշտոն,

2.1.3 Հավելավճար ստանալու ընթացքում առնվազն 6 ամիս բնակվելու է Հայաստանի Հանրապետությունում,

2.1.4 ունի առնվազն մեկ գիտական հոդված «Scimago Journal & Country Ranking (SJR)» (<https://www.scimagojr.com/journalrank.php>) ամսագրերի դասակարգման առաջին, երկրորդ կամ երրորդ քառորդներում (Q1, Q2, Q3 quartile) ընդգրկված ամսագրերում Հավելված N 1-ի գիտական և գիտատեխնիկական գործունեության բոլոր

բնագավառների և մասնագիտությունների համար, բացառությամբ «Հայագիտություն ու հումանիտար գիտություններ» բնագավառի:

### 3. Հայտերի լրացման և ներկայացման կարգը

3.1 Մրցույթի Հայտը լրացվում և առցանց ներկայացվում է Կոմիտե՝ Կոմիտեի Հայտերի և հաշվետվությունների համակարգի (*այսուհետ՝ Համակարգ*) միջոցով (<https://grants.scs.am/>)՝ մինչև 2021 թվականի փետրվարի 19-ը ներառյալ (Հայտի ուղարկման հնարավորությունը կարգելափակվի Երևանի ժամանակով ժամը 18:00-ին)»:

3.2 Հայտերը լրացվում են սույն հրավերի Հավելված N 2-ում ներկայացված «Գիտական գործունեության արդյունավետության ցուցանիշի որոշման մեթոդաբանության» (այսուհետ՝ Մեթոդաբանություն) կետերի պահանջներին համապատասխան՝ ըստ Հավելված N 1-ում նշված «Գիտական և գիտատեխնիկական գործունեության բնագավառների և մասնագիտությունների»:

3.3 Կոմիտե են ներկայացվում հետևյալ փաստաթղթերը՝

3.3.1 հայտատուի դիմումը (Հավելված N 3),

3.3.2 Համակարգում ձևավորված և ծածկագիր ստացած Հայտի տիտղոսաթերթը,

3.3.3 Մեթոդաբանության 2)-րդ և 3)-րդ կետերով պահանջվող հրապարակումների տիտղոսաթերթի, տիտղոսաթերթին հաջորդող ծանոթագրություն (անոտացիա) պարունակող էջի և բովանդակության ցանկի, ինչպես նաև 4)-րդ կետով պահանջվող արտոնագրերի պատճենները,

3.3.4 զբաղեցրած պաշտոնը հավաստող փաստաթուղթը:

3.4 Հայտատուն պահանջվող փաստաթղթերը Կոմիտե է ներկայացնում անձամբ աշխատանքային օրերին ժամը 10:00-13:00 և 14:00-17:00 (Օրբելի եղբայրների 22, 7-րդ հարկ, 708 սենյակ) կամ փոստով (Երևան 0028, Օրբելի եղբայրների 22): Փաստաթղթերի ներկայացման վերջնաժամկետը 2021 թվականի փետրվարի 26-ն է:

**Տիտղոսաթերթը պետք է ստորագրված և կնքված լինի գիտական կազմակերպության (բուհի) տնօրենի (ռեկտորի) կամ փոխտնօրենի (պրոռեկտորի) կողմից՝ հայտում ներառված գիտական արդյունքների հեղինակային բնույթը, ինչպես նաև առանց հեղինակների և աղբյուրների նշման փոխառությունների**

**բացառումը հավաստելու նպատակով: Անհրաժեշտության դեպքում Կոմիտեն հրավումնք ունի հրապարակելու հայտատուի տիտղոսաթերթը:**

#### **4. Հայտերի ընտրությունը և վարկանիշային ցանկի ձևավորումը**

4.1 Հայտերի ընտրությունն իրականացվելու է ըստ Մեթոդաբանության հիման վրա ձևավորված գիտական գործունեության արդյունավետության ցուցանիշի (այսուհետ՝ ԳԳԱՑ) վարկանիշային տվյալների: Մրցույթի շրջանակներում գիտաշխատողների ԳԳԱՑ-ը որոշելու ընթացքում հիմք են հանդիսանալու՝

4.1.1 2015-2020 թվականներին հրապարակված գիտական հոդվածները (առնվազն 2 էջ), որտեղ հեղինակի/համահեղինակի գիտական կազմակերպության (affiliation) կամ մշտական աշխատանքի վայրի (permanent address) անվանման մեջ նշված է Հայաստանի Հանրապետության գիտական կազմակերպության կամ բուհի անվանումը,

4.1.2 2015-2020 թվականներին հրապարակված մենագրությունները, կոլեկտիվ մենագրությունները,

4.1.3 2015-2020 թվականներին տպագրված գիտաժողովների նյութերը (առնվազն 2 էջ): Հաշվի է առնվում համապատասխան ինտերնետային կայքէջի կամ փաստաթղթային հաստատման առկայության դեպքում՝ առավելագույնը տարեկան 6 հրապարակում,

4.1.4 2015-2020 թվականներին մտավոր սեփականության գործակալությունների կողմից ստացված արտոնագրերը: Հաշվի է առնվում համապատասխան ինտերնետային կայքէջի կամ փաստաթղթային հաստատման առկայության դեպքում,

4.1.5 2015-2020 թվականներին պաշտպանած թեկնածուական ատենախոսությունների ղեկավարումը՝ առավելագույնը 3 միավոր,

4.1.6 2015-2020 թվականներին դրամաշնորհների ու գիտական և գիտատեխնիկական գործունեության պայմանագրային (թեմատիկ) ֆինանսավորման թեմաների ղեկավարումը,

4.1.7 գիտական հրապարակումների հղումները (առանց ինքնահղումների), որոնք առկա են «Թոմսոն Ռոյթերս»-ի (WOS) գիտատեղեկատվական շտեմարանում: Ինքնահղումներն որոշվում են հեղինակի (թուր համահեղինակների) կողմից տվյալ աշխատանքի վրա եղած հղումներով:

**4.2** Կոմիտե ներկայացված Հայտերը 10 աշխատանքային օրերի ընթացքում անցնում են տեխնիկական ստուգում Հայտերում լրացված տեղեկատվության հավաստիությունը ճշգրտելու նպատակով:

**4.3** Տեխնիկական ստուգմամբ սույն հրավերի պահանջներին համապատասխանող Հայտերը Կոմիտեի համապատասխան ստորաբաժանման կողմից 3 աշխատանքային օրերի ընթացքում տրամադրվում են Խորհրդի քննարկմանը:

**4.4** Վարկանիշային ցանկի ձևավորման ընթացքում

**4.4.1** հայտատուների ԳԳԱՑ-ների հավասարության դեպքում դրանք դասավորվում են ըստ Մեթոդաբանության 1)-ից 6)-րդ կետերի առաջնահերթությունների, իսկ վերջիններիս հավասարության դեպքում պատահականության սկզբունքով,

**4.4.2** հայտատուի գիտական և գիտատեխնիկական գործունեությանը համապատասխանող մեկից ավելի հնարավոր մասնագիտական դասիչների առկայության դեպքում ընտրված (նշված) մասնագիտական դասիչը պետք է համապատասխանի հրապարակումների մեծամասնության ոլորտին (subject): Նոր մասնագիտական դասիչի ընտրության հիմնավորվածության վերաբերյալ անհրաժեշտ է ներկայացնել այդ մասնագիտության գծով գիտական աստիճան շնորհող մասնագիտական խորհրդի եզրակացությունը: Նոր մասնագիտական դասիչի առկայության դեպքում հաշվի են առնվում միայն այդ մասնագիտությանը համապատասխանող հրապարակումները, որոնց ընտրությունն իրականացնում է Խորհուրդը,

**4.4.3** հայտատուի միջազգային գիտական համագործակցության անդամ լինելու դեպքում հրապարակումների մեծամասնությունը պետք է հրատարակված լինի այդ համագործակցության շրջանակներում: Գիտական համագործակցության շրջանակներում կատարված աշխատանք է համարվում այն աշխատանքը, որի համահեղինակների թվաքանակն առնվազն քսան է,

**4.4.4** հայտատուի մեկից ավելի գիտական համագործակցությունների անդամ լինելու դեպքում, որպես հիմք ընդունվում է տվյալ պահին գործող համագործակցությունը կամ, եթե համագործակցության աշխատանքներն ավարտվել

են, ապա գիտական հրապարակումների մեծամասնությունն ընդգրկող համագործակցությունը,

**4.4.5** յուրաքանչյուր միջազգային գիտական համագործակցությանը հատկացվում է ընդհանուր տեղերի մինչև երկու տոկոսը՝ գիտական և գիտատեխնիկական գործունեության տվյալ մասնագիտության շեմային գնահատականը հաղթահարելու պայմանով: Համագործակցություններին հատկացվող տեղերի գումարային քանակը չի կարող գերազանցել ընդհանուր տեղերի քանակի 1/3-ը:

**4.5** Կոմիտեն, ելնելով Հայաստանի Հանրապետության պետական բյուջեից գիտական և գիտատեխնիկական գործունեության բնագավառների և մասնագիտությունների ֆինանսավորման համար հատկացումների չափից և արդյունքների նկարագրության գիտաչափական տվյալներից՝ 5 օրացուցային օրերի ընթացքում որոշում է գիտական և գիտատեխնիկական գործունեության յուրաքանչյուր բնագավառի կամ մասնագիտության, ինչպես նաև յուրաքանչյուր տարիքային միջակայքի շեմային գնահատականը, որին հավասար կամ բարձր ցուցանիշ ունեցող գիտաշխատողներին տրամադրվում է Հավելավճար: Նախարարը հաստատում է Մրցույթի արդյունքներով ֆինանսավորման երաշխավորված գիտական թեմաների ղեկավարների ցուցակը և հատկացման չափը՝ ըստ գիտական և գիտատեխնիկական գործունեության բնագավառների և մասնագիտությունների:

**4.6** Կոմիտեն 5 աշխատանքային օրերի ընթացքում գիտական կազմակերպություններին (բուհերին) տրամադրում է տվյալ գիտական կազմակերպությունում (բուհում) աշխատող և Մրցույթի արդյունքներով ֆինանսավորման երաշխավորված գիտական թեմաների ղեկավարների ցուցակը:

**4.7** Կոմիտեի գլխավոր քարտուղարի և գիտական կազմակերպության (բուհի) տնօրենի (ռեկտորի) միջև Հայաստանի Հանրապետության «Քաղաքացիական օրենսգրքով» սահմանված կարգով կնքվում է պայմանագիր՝ Մրցույթի արդյունքներով ֆինանսավորման երաշխավորված գիտական թեմաների ղեկավարներին Հավելավճարի տրամադրման նպատակով:



## **5. Ակնկալվող արդյունքը**

**5.1** Ֆինանսավորման ժամանակահատվածում գիտական թեմաների ղեկավարները պետք է ապահովեն ոլորտի վերաբերյալ գիտահանրամատչելի նյութերի ստեղծում և տարածում (հարցազրույցներ, գիտահանրամատչելի ամսագրերում հրապարակումներ, տեսանյութերի ստեղծում և տարածում, լայն լսարանի համար քննարկումների կազմակերպում և այլն):

ՀՀ պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում ընդգրկված բարձր արդյունավետությամբ աշխատող գիտաշխատողներին հավելավճարի տրամադրման հայտերի ընտրության մրցույթի հրավերի

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԸ ԵՎ ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ**

**1. ԲՆԱԿԱՆ ԳԻՏՈՒԹՅՈՒՆՆԵՐ**

- 1.1. Մաթեմատիկա
- 1.2. Ինֆորմատիկա և համակարգչային գիտություններ
- 1.3. Ֆիզիկա և աստղագիտություն
- 1.4. Քիմիա
- 1.5. Երկրի մասին և դրան հարակից բնապահպանական գիտություններ
- 1.6. Կենսաբանական գիտություններ

**2. ՃԱՐՏԱՐԱԳԻՏՈՒԹՅՈՒՆ ԵՎ ՏԵԽՆՈԼՈԳԻԱ**

- 2.1. Քաղաքաշինություն և ճարտարապետություն
- 2.2. Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3. Մեխանիկա
- 2.4. Մեքենագիտություն և մեքենաշինություն
- 2.5. Քիմիական տեխնոլոգիաներ
- 2.6. Նյութագիտություն
- 2.7. Բժշկական սարքաշինություն
- 2.8. Էկոլոգիա
- 2.9. Կենսատեխնոլոգիա
- 2.10. Նանոտեխնոլոգիա

**3. ԲԺՇԿԱԿԱՆ ԳԻՏՈՒԹՅՈՒՆՆԵՐ**

- 3.1. Ընդհանուր բժշկություն
- 3.2. Կլինիկական բժշկություն
- 3.3. Բժշկական կենսատեխնոլոգիա

**4. ԳՅՈՒՂԱՏՆՏԵՍԱԿԱՆ ԳԻՏՈՒԹՅՈՒՆՆԵՐ**

- 4.1. Անասնաբուծություն, անասնաբուժություն
- 4.2. Բուսաբուծություն
- 4.3. Հողագիտություն, ագրոքիմիա, բույսերի պաշտպանություն
- 4.4. Գյուղատնտեսական կենսատեխնոլոգիա

**5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ**

- 5.1. Հոգեբանություն
- 5.2. Տնտեսագիտություն և գործարարություն
- 5.3. Մանկավարժական գիտություններ
- 5.4. Սոցիոլոգիա
- 5.5. Իրավունք
- 5.6. Քաղաքական գիտություններ
- 5.7. Սոցիալական և տնտեսական աշխարհագրություն
- 5.8. Զանգվածային լրատվություն և հաղորդակցություն

**6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ**

- 6.1. Պատմություն, հնագիտություն
- 6.2. Լեզվագիտություն, գրականագիտություն
- 6.3. Փիլիսոփայություն, էթիկա
- 6.4. Աստվածաբանություն, կրոնագիտություն
- 6.5. Արվեստագիտություն

ՀՀ պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում ընդգրկված բարձր արդյունավետությամբ աշխատող գիտաշխատողներին հավելավճարի տրամադրման հայտերի ընտրության մրցույթի հրավերի

**ՄԵԹՈԴԱԲԱՆՈՒԹՅՈՒՆ  
ԳԻՏԱԿԱՆ ԳՈՐԾՈՒՆԵՈՒԹՅԱՆ ԱՐԴՅՈՒՆԱՎԵՏՈՒԹՅԱՆ ՑՈՒՑԱՆԻՇԻ  
ՈՐՈՇՄԱՆ**

**Գիտական գործունեության արդյունավետության ցուցանիշը (այսուհետ՝ **ԳԳԱՑ՝ E**) որոշվում է ըստ հետևյալ բաղադրիչների՝**

**1) Գիտական ամսագրերի հրապարակումների<sup>1</sup>:** Հրապարակում գիտական ամսագրում հոդված (Article) կամ ակնարկ (Review)՝ Web of Knowledge, Scopus, ՀՀ ԿԳՄՍՆ բարձրագույն որակավորման կոմիտեի (այսուհետ՝ ԲՈԿ) ցանկերում ընդգրկված ամսագրում, ինչպես նաև այդ ցանկերում չընդգրկված, բայց գրախոսվող ու մատենագրվող ամսագրում:

Բեալի ցանկերում (Beall's list) ներառված կեղծ կամ «գիշատիչ» հրատարակչություններում հրատարակված աշխատությունները հաշվի չեն առնվելու:

Յուրաքանչյուր հոդվածի համար՝

$$E_1 = \sum IF \left( \frac{1 + C/10}{N} \right)^{1/3}$$

որտեղ՝

**IF**՝ ամսագրի տվյալ տարվա ազդեցության գործակիցը (այսուհետ՝ ԱԳ)՝ ըստ «Institute for Scientific Information (ISI JCR)»-ի տվյալների,

**N**՝ ընդհանուր համահեղինակների թվաքանակ,

**C**՝ հղումների քանակ՝ առանց ինքնահղումների (միջազգային համագործակցությունների համար հաշվարկվում է ընդհանուր հղումների 10%-ը):

**0.2**-ից ցածր **IF**-ի դեպքում նրան վերագրվում է՝

**0.20**՝ ԱԳ ունեցող կամ ԱԳ չունեցող, բայց միջազգային գիտատեղեկատվական շտեմարաններում («Science Citation Index Expanded(SCIE)», «Emerging Sources Citation Index(ESCI)» կամ «Scopus») ընդգրկված ամսագրում գիտական հրապարակման դեպքում,

**0.15**՝ ԱԳ չունեցող, միջազգային գիտատեղեկատվական շտեմարաններում («SCIE», «AHCI», «SSCI», «ESCI» կամ «Scopus») չընդգրկված, բայց ՀՀ ԲՈԿ-ի ցանկում ընդգրկված գիտական հրապարակման դեպքում,

**0.075**՝ ԱԳ չունեցող, միջազգային գիտատեղեկատվական շտեմարաններում («SCIE», «SSCI», «ESCI», «AHCI» կամ «Scopus») չընդգրկված, ինչպես նաև ՀՀ ԲՈԿ-ի ցանկերում չընդգրկված, բայց գրախոսվող ամսագրերում գիտական հրապարակման դեպքում:

**«Հայագիտություն և հումանիտար գիտություններ»** բնագավառների համար՝

**1.00**-ից ցածր **IF**-ի դեպքում նրան վերագրվում է՝

**1.00**՝ ԱԳ ունեցող կամ ԱԳ չունեցող, բայց միջազգային գիտատեղեկատվական շտեմարաններում («Science Citation Index Expanded (SCIE)», «Social Sciences Citation

<sup>1</sup> 1-ին և 2-րդ կետերով ներկայացված տարեկան հրապարակումների ընդհանուր քանակը չպետք է գերազանցի 24-ը:

Index (SSCI)», «Emerging Sources Citation Index (ESCI)», «Arts & Humanities Citation Index (AHCI)») ընդգրկված ամսագրերում գիտական հրատարակման դեպքում,

**0.50**՝ ԱԳ չունեցող, «SCIE», «SSCI», «ESCI», «AHCI» հղման համակարգերում չընդգրկված, բայց «Scimago Journal & Country Ranking (SJR)» հղման համակարգում ընդգրկված ամսագրի դեպքում,

**0.15**՝ ԱԳ չունեցող, «SCIE», «SSCI», «AHCI», «ESCI» կամ «Scopus» հղման համակարգերում չընդգրկված, բայց ՀՀ ԲՈԿ-ի ցանկում ընդգրկված ամսագրի, ինչպես նաև արտասահմանյան հայագիտական ամսագրերի դեպքում,

**0.075**՝ ԱԳ չունեցող, «SCIE», «SSCI», «AHCI», «ESCI» կամ «Scopus» հղման համակարգերում, ինչպես նաև ԲՈԿ-ի ցանկում չընդգրկված, բայց գրախոսվող ամսագրերում գիտական հրատարակման դեպքում:

**2) Մենագրությունների, կոլեկտիվ մենագրությունների, գիտական հրատարակումների, նյութերի ժողովածուների հրատարակումների<sup>2</sup>:** Մենագրություն, կոլեկտիվ մենագրություն կամ գիտական հրատարակում՝ գիտական կազմակերպության կամ բարձրագույն ուսումնական հաստատության գիտական խորհրդի երաշխավորություն ունեցող, որևէ մեկ գիտական թեմայի նվիրված, գիտական հանրության համար նախատեսված, առնվազն 5 տպագրական մամուլ<sup>3</sup> ծավալ ունեցող և «ISBN» ունեցող հրատարակում: Նյութերի ժողովածու՝ գիտական կազմակերպության կամ բարձրագույն ուսումնական հաստատության գիտական խորհրդի երաշխավորություն ունեցող, մեկ կամ հարակից մի քանի գիտական թեմաների նվիրված և «ISBN» ունեցող հրատարակում: Նյութերի ժողովածուները ներառում են նաև մշակութային արժեքների և պատմական փաստաթղթերի գիտականորեն պատրաստված և/կամ գիտական նկարագրություն պարունակող հրատարակումները:

Բեալի ցանկերում (Beall's list) ներառված կեղծ կամ «գիշատիչ» հրատարակչություններում հրատարակված աշխատությունները հաշվի չեն առնվելու:

Յուրաքանչյուր մենագրության, կոլեկտիվ մենագրության, գիտական հրատարակումների կամ հոդվածի համար՝

$$E_2 = \begin{cases} \sum B \frac{P_{SH}}{N^{1/3}} \\ \sum B \frac{P_{SH}}{N^{1/3}} \end{cases}$$

որտեղ՝

**B=0,30**՝ Web of Science գիտապեղեկատվական հարթակի գրքերի հղման ինդեքսի (Book Citation Index) հրատարակիչների ցանկում ներառված հրատարակչություններում հրատարակված մենագրություն, կոլեկտիվ մենագրություն կամ գիտական հրատարակում,

**CA=0,75**՝ արտերկրում հրատարակված մենագրություն, կոլեկտիվ մենագրություն կամ գիտական հրատարակում (օտար լեզվով կամ հայերեն),

**CA=0,5**՝ ՀՀ-ում հրատարակված մենագրություն, կոլեկտիվ մենագրություն կամ գիտական հրատարակում (օտար լեզվով կամ հայերեն), կամ (Book Citation Index)

<sup>2</sup>Երկրորդ կետով ներկայացված հրատարակումների դասակարգման (մենագրություն, նյութերի, հոդվածների ժողովածու) վերաբերյալ վերջնական որոշումն ընդունվում է Կոմիտեի կողմից: Չեն գնահատվում բառարանները, կատալոգները, դասագրքերը, կենսագրականները, ինչպես նաև ժողովածուների, գիտաժողովների նյութերի կամ այլ աշխատությունների խմբագրումը և/կամ կազմումը:

հրապարակիչների ցանկում ներառված հրապարակչություններում հրապարակված գրքի գլուխ կամ հոդված ժողովածուում, կամ մշակութային արժեքների և պատմական փաստաթղթերի գիտականորեն պատրաստված հրապարակում արտասահմանում,

**CA=0,3**՝ մշակութային արժեքների և պատմական փաստաթղթերի գիտականորեն պատրաստված հրապարակում <<-ում,

**CA=0,15**՝ հոդված արտերկրում օտար լեզվով հրապարակված հոդվածների ժողովածուի մեջ,

**CA=0,075**՝ հոդված <<-ում հրապարակված հոդվածների ժողովածուի մեջ (օտար լեզվով կամ հայերեն),

**P<sub>sh</sub>**՝ ծավալ (տպագրական մամուլ)<sup>3</sup>:

**3) Գիտաժողովների մասնակցության<sup>4</sup>**: Գնահատվում են միայն գիտաժողովի նյութերում (Proceeding) 1 էջից ավելի ծավալ ունեցող հրապարակումները՝

$$E_3 = \sum \frac{P}{N^{1/3}}$$

որտեղ՝

**P=0,15**՝ արտերկրում տեղի ունեցած միջազգային գիտաժողովի նյութ,

**P=0,075**՝ <<-ում տեղի ունեցած գիտաժողովի նյութ:

**4) Արտոնագրերի:**

$$E_4 = \sum \frac{Pt}{N^{1/3}}$$

Յուրաքանչյուր արտոնագրի համար՝

**Pt=1,00**՝ արտերկրում գրանցված,

**Pt=0,15**՝ <<-ում գրանցված:

**5) Թեկնածուական ատենախոսությունների ղեկավարման<sup>5</sup>:**

$$E_5 = \sum PhD$$

Ղեկավարությամբ պաշտպանված յուրաքանչյուր ատենախոսության համար՝

**PhD=1,00**՝ ղեկավար,

**PhD=0,50**՝ համաղեկավար՝ 2 ղեկավարի դեպքում,

**PhD=0,25**՝ համաղեկավար՝ 2-ից ավել ղեկավարի դեպքում:

**6) Գիտական դրամաշնորհների, գիտական և գիտատեխնիկական գործունեության պայմանագրային (թեմատիկ) ֆինանսավորման թեմաների ղեկավարման:** Գիտական հետազոտությունների համար ստացված դրամաշնորհ<sup>6</sup> կամ թեմա՝ մեկ և ավելի տարի տևողությամբ:

$$E_6 = \sum Gr$$

Յուրաքանչյուր դրամաշնորհի կամ թեմայի համար՝

**Gr=0**՝ մինչև 5,0 հազար USD կամ դրան համարժեք ընդհանուր ֆինանսական ծավալի դրամաշնորհ,

<sup>3</sup>Մեկ տպագրական մամուլը համարժեք է A4 ֆորմատի 16 էջ տեքստի:

<sup>4</sup> Գիտաժողովների հրապարակումների տարեկան քանակը չպետք է գերազանցի 6-ը:

<sup>5</sup> Առավելագույնը 3 միավոր:

<sup>6</sup> Գիտական դրամաշնորհի ֆինանսական բաղադրիչի գնահատման համար անհարժեշտ է ներկայացնել միայն հայաստանյան կազմակերպության կամ գիտահետազոտական խմբին հատկացված ֆինանսական ծավալի չափը՝ համապատասխան ինտերնետային հղումով կամ փաստաթղթով:

**Gr=0,75`** 5,0-10,0 հազար USD կամ դրան համարժեք ընդհանուր ֆինանսական ծավալի դրամաշնորհ,

**Gr=1,10`** 10,0-50,0 հազար USD կամ դրան համարժեք ընդհանուր ֆինանսական ծավալի դրամաշնորհ: 50,0 հազար USD կամ դրան համարժեք ընդհանուր ֆինանսական ծավալը գերազանցելու դեպքում՝ յուրաքանչյուր 50,0 հազար USD կամ դրան համարժեք ֆինանսական ծավալի համար՝ 0,1 միավոր:

**ԳԳԱՑ-ը սույն մեթոդաբանության 1)-6)-րդ կետերի գումարն է**

$$E = \sum_{i=1}^6 E_i$$

ՀՀ պետական բյուջեի հաշվին իրականացվող գիտական և գիտատեխնիկական գործունեության ծրագրերում և (կամ) թեմաներում ընդգրկված բարձր արդյունավետությամբ աշխատող գիտաշխատողներին հավելավճարի տրամադրման հայտերի ընտրության մրցույթի հրավերի

**ԳԻՏՈՒԹՅԱՆ ԿՈՄԻՏԵԻ  
ՆԱԽԱԳԱՀ ՊԱՐՈՆ Ս. ՀԱՅՈՑՅԱՆԻՆ**

**ՔԱՂԱՔԱՅԻ** \_\_\_\_\_  
(անուն հայրանուն)  
\_\_\_\_\_ ից  
(ազգանուն)  
\_\_\_\_\_ (հասցե)  
\_\_\_\_\_ (հեռախոս)

**Դ Ի Մ ՈՒ Մ**

Խնդրում եմ ընդունել Հայաստանի Հանրապետության պետական բյուջեի հաշվին իրականացվող գիտական և գիտատեխնիկական գործունեության ծրագրերում և թեմաներում ընդգրկված բարձր արդյունավետությամբ աշխատող գիտաշխատողներին հավելավճարի տրամադրման հայտերի ընտրության մրցույթին ----- ծածկագրով առցանց ներկայացված Հայտը:

Հաստատում եմ, որ ծանոթացել եմ մրցույթի հրավերի պայմաններին և վերջիններիս հետ համաձայն եմ:

Դիմող՝ \_\_\_\_\_ (ստորագրություն) ( \_\_\_\_\_ ) (անուն ազգանուն)

« \_\_\_\_\_ » \_\_\_\_\_ 2021թ.